

## I VOLLE ZÜG (Full Trains)

C&A Rohrer Daniel IPI 00072 97 75 37  
005685 084 15  
T-921417630-4

I hocke i däm volle Zug  
U jede wott e Fänschteplatz  
D Landschaft ziet verby im Flug  
Der Zug isch voll es het ke Platz

Wo s häregeit weiss niemer ganz genau  
Dert wo aui häregöh dert häre wotti oo  
I däm Zug bini voll mobil  
Wüll daheime blybe dasch nid mi Styl

Schnäller höher immer wyter  
Ds Läbe gniesse i volle Züg  
Immer vorwärts immer wytergaa  
Jünger, schöner, immer fitter  
Ds Läbe gniesse i volle Züg  
Nid hindere luege, blindlings vorwärts ga

S isch ds glyche Bild, ringsetum  
Schnösel mit Vollbart u Tussies mit Lockehaar  
Schtrychle ganz sanft ihres Telefon  
Oder ihres I-Pad uf de Chnöi  
Jede füelt sich so speziell  
Einzigartig, ganz individuell  
Und isch doch Teil vom Einheitsbrei  
X-beliebigs Einerlei

Wie n e Herde Schaf, gjagt vom Businesshund  
Düre Grossstadtsumpf Renne im Hamschterrada  
Wie ne Herde Schaf, wo alli ds Glyche wei  
Obschon si Uswahl hei renne im Hamschterrada

Schnäller höher immer wyter  
Ds Läbe gniesse i volle Züg  
Immer vorwärts immer wytergaa  
Jünger, schöner, immer fitter  
Ds Läbe gniesse i volle Züg  
Nid hindere luege, blindlings vorwärts ga

